

ግራክዝማቸ : ልጃም : ሐርበኛ : ሂጋ :  
ትገሬ : ወትግርኛ ::

ለካልእ : ክፈል : ሰክል : ወበሊስ ::

ምን : ሰብ : ህጅክ : እት : ረክስ : ቡን ::

ገረዝግሄር : በኪት : ወ : ማኔ : በኪት :: 11/20/15

ሰክል : እብ : ገረዝግሄር : ወበሊስ : ምን : ማኔ ::

ሰክል : ግራክዝማቸ : ልጃም : ሂጋ : ትገሬ : ማጥር : ሰናና :  
እግል : ትሸነን : ዲብ : ከርስ : ዐድ : ለወደዩ : ጸገም : ሀላ :  
ገብእ :

በሊስ : ዲብ : ሰነት : 1952 : እት : ፍንጌ : አሰምባልያ :  
መንገስ : ኤርትራ : አሮ : ዐቢ : ከሐድ : ቃንጽ : ዐላ :: ወላ :  
ከሐድ : እትላ : ቃኑን : ምክ “ ቐዋም “  
(Constitution)ክሪት : ለዐለት : ማደት : 40 ዐላ :: ናይ :  
ኤርትራ : ” ብሔራዊ : ቋንቋታት “ (national  
languages) መን : ወመን : ልግበኣ : ለልብል : ዐላ :: ትገሬ :  
ወትግርኛ : ማኔ ዐረብ : ወትግርኛ : ግራክዝማቸ : ልጃም :  
ዲብላ : ወክድ : ለሄይ : እትላ : ” ዘመን “ ትትበሀል : ለዐለት :  
ንሳል : ማ : ሃድጋይት : (newspaper) ናይ :

መንገስ ፡ ኤርትራ ፡ ሂጋ ፡ ትግሬ ፡ ሐቴ ምንላ ፡ "ብሔራዊ ፡  
ቋንቋታት" እግል ፡ ትግባእ ፡ ሀላ ፡ እላ ፡ ለልብል ፡ ናይ ፡  
ክቱብ፡ ሕራብት ፡ ክም ፡ ዋዳ ፡ ኢሳትራ ፡ ምንዬ ። እሊ ፡  
ልግባእ ፡ ድኢኮን ፡ እታ ፡ አሰምበሊያ ፡ በሀለት ፡ ፓርላማ  
ወካይል ፡ ገባይል ፡ መታሕት ፡ እንደ ፡ ገአው ፡ ሕሩያም ፡ ለዐለው ፡  
ሂጋሆም ፡ ሂጋ ፡ ትግሬ ፡ ሀመላዋ። ወእብላ ፡ ትግርኛ ፡ ወዐረብ ፡  
ናይ ፡ መንገስ ፡ ኤርትራ ፡ "ብሔራዊ ፡ ቋንቋታት" (national  
languages) ፡ ትበሀላያ ። ወመጺት ፡ 40 ዲብ ፡ ማጺት 38 ፡  
ትቃዬረት ፡ ወሂጋ ፡ ትግሬ ፡ እት ፡ ሕፍራታ ፡ አተት ። እምበል፡  
እሊማ ፡ ግራክዝማቸ፡ ልጃም ፡ ዲብ ፡ ወክድ ፡ ሕክም ፡ ጠልን ፡  
ምን፡ ገባይል፡ ክበሳ ፡ ወገባይል ፡ መታሕት ፡ ንዙዕ ፡ ለዐላ ፡  
ወጂብ ፡ አራዲ ፡ "ዶማንያለ" ዲብ ፡ ሰብኡ ፡ እግል ፡ ለቅብል ፡  
እብ ፡ ክቱብ ፡ መገት ፡ ዐላ። እሊ ፡ ልግባእ ፡ ዳኢኮን ፡ ምን ፡  
ገባይል ፡ ክበሳ ፡ ንዙዕ ፡ ለዐላ ፡ ወጂብ ፡ አራዲ ፡ እት ፡ ሰብኡ ፡  
አቅበላ ። ወአራዲ ፡ ሐረስቶት ፡ ገባይል ፡ መታሕት ፡ አስክ ፡  
ሰነት ፡ 1991 ፡ አአቅባላ ። ከግራክዝማቸ፡ ልጃም ፡ ሀመት ፡  
ወቀመት ፡ ሂጋ ፡ ትግሬ ፡ ሌጣ ፡ አዐላ ፡ እሉ። ሀመት ፡ ከሉ ፡  
ሐረስታይ ፡ ኤርትራ ፡ ወክሰሰን ፡ እብ ፡ ወራት ፡ ማኮት  
(economic development) ፡ ወምህሮ ፡ ሓር ፡ ታርፍ ፡  
ለዐላ ፡ ገባይል ፡ መታሕት ፡ ሰኒ ፡ ሀምም ፡ ዐላ ። ከእላ ፡  
አእቤ፡ ረቢ ፡ ዕለት ፡ መቅዓ ፡ እልዬ ፡ ምን ፡ ገብእ ፡ ለሕታማቸ፡  
ናይ "ዘመን" ጋዜጣ ፡ ዲብ ፡ ቤት መኪኒዬ ፡ ወፈታዬ ፡  
ግራክዝማቸ ፡ ገረዝግሄር ፡ ተካ ፡ ወዲብ ፡ ሰነት ፡ 1977 ፡ እት፡  
መዲነት ፡ አዲስ ፡ አባባ ፡ እት፡ ቤቶም ፡ ለትዋጀህከዎም፡  
ቤትወደድ ፡ አስፋሃ ፡ ወልደመክኤል ፡ እንደ ፡ ትጣራዛ ፡ ክሩይ ፡

ሰበት: ሀላ: እንደ : ቀዋቀልኮ : ለክቱብ : ናይ : ግራክዝማቸ :  
ልጃም : ክም : እረክብ : እትላ : ሞላይ : እስኤ።

**ሰአል:** ሂጋ : ትግሬ : ወትግርኛ : እብ : ሬድዮ: ምን:  
መዲነ ት : አስመራ : እግል : ልትጣለቃ : ለአትሐዛ : እቡ:  
ሰበብ: ሚ : ቱ :

**በሊሳ:** አወል : አምን : ማ ሰካበት :

(security): ናይ : ኤርትራ : ዲብ 60ታት : እት :  
ልትሐምረግ : ሙጻ። ወላወክድ : ለሄይ : ሰልፍ : ኮለነ ል :  
ሐር : ደጅክዝማቸ : ወሐር : ልዑል : እንደ : ትበሀላ :  
እንደራሴ : “ጠቅላይ : ግዛት : ኤርትራ” ለዐላ : አስራቴ:  
ካሳ : እት : ልትሐምረግ : ለሙጻ : አምን : (security):  
ኤርትራ : እግል : ለሰነ : 2 : ፍክር : ጀረባ : ምክ :  
ፋታና : ከዐላ።

(1) ሀቱ : ምን : ለዐል : እንደ : ገአ : ለለአዝዞም :  
ወሽርፎም : ወመሀዬት : ለዳፍዖም : (commando  
force) ወላድ : ኤርትራ : ወክሱሰን : ምን : ወላድ :  
ከበሳ : እብ : ኮለነ ላት : ወላድ : እስራኤል : አሰልጣኛ  
: ወረተባ ። ወመረሐዮም : ዲብ : ሐርብ : ኮለነ ል :  
ሀብቴሚያም : ” በላዕ : ጠዳዎ “ : ክም : ዐላ :  
እግል: ሐብር : እፈቴ ።

(2) እብ : ሕቡ : ለሻቁ : (Eritrean Security Forces) ምን : ወላድ : ኤርትራ : ሐራ : ወራታባ :: ገለሆም : እት : ከርስ መዳይን : ወገ ለሆም : እት : ከደን : እት : ከርስ : ጀብሀት : አታ :: ወእት : ረአስ : እሊ : ገቢል : ኤርትራ : እግል : ልክሰብ : (radio broadcasting) : ክም : ልትአንበት : ወዳ :: ሀደፍላ : ሬደዮ : እብ : ሂጋ : ትግሬ : ወትግርኛ : ታሪክ : እትዮጵያ : ወሐደካ ት : ታርክ : እትዮጵያ : ወኤርትራ : እግላ : ሐደስ : ቅናጽ : አምሀርት : ወአትአመሮት : ዐላ ::

ሰአል : ክደመትላ : ሬደዮ : እግል : ለአንብት : እግል : ዶሎ : መዘ : ለትካራ : እቱ : ግራአዝማቹ : ልጃም : እሊ : ለእሎ : ትቤ : ከአፎ : ረአዩ : መከለካ :

በሊስ : ግራአዝማቹ : ልጃም : ወድ : ዐድ : ሰበት : ዐላ : ሰረሬት : ልብ : ገቢል : ኤርትራ : ሰኒ : ዳሊህ : ዐላ :: ወክሰሰን : ለሐዲስ ቅናጽ : ሚ : ክም : ሐዜ : ሸሙይ : ወልአማን : ዳሊህ : ዐላ :: ከአምባቶትላ : ሬደዮ : ክም : ዓድ : ወዓራፋ : ትከበትዩ :: አወል : ሰልፍ : ቅንጻት : ምን : መይታም : ሂጋ : ትግሬ : እታ : ገዱ : ትቅብ : ቤሎ :: ወእብ : ሂጋ : አምሐርኛ : ጣርሳ : ለዐለያ : ትግሬ : ወትግርኛ : ምን ጣሪሰን : ክም : ለነግፈን : አሜራ : ከዐላ ::

ሬድዮ ፡ ቃኛው ፡ ስተሽን ፡ እት ፡ ሳምፅ ፡ መሀነኑ ፡ ባዲ፡  
ለዐላ፡ ወእት ፡ ምግሳዩ ፡ እንደ ፡ ገአ ፡ ዐድ፡ ጸሩ፡  
አመራካ፡ ልትሰፋለል፡ ለዐላ ፡ ሐዲስ ፡ ቅናጽ ፡ ፍቲ ፡ ዐዲ  
ፍቲ ፡ ኤርትራ ፡ ክም ፡ ትትጃለል ፡ እቱ፡ ሰኒ ፡ አምሩ ፡  
ዐላ። ከላ ፡ ሬድዮ ፡ እግል ፡ መን ፡ ክም ፡ ናፍዕ ፡  
ወእግል፡ መን ፡ ክም ፡ ሻፍዕ ፡ አምሩ ፡ ዐላ ። ወክም ፡  
ተአንበታ ፡ እት ፡ ገሃዊ ፡ ወባራት ፡ ልትሐሌ ፡ ለዓላ ፡  
ናይ፡ ስያሰት ፡ ሕላይ ፡ እብ ፡ ሬድዮ ፡ ክም ፡ ትጠለቃ ፡  
ለሐዲስ፡ ቅናጽ ገለሁ ፡ እብ ፡ ርሕ ፡ እግል ፡ ልትባራዕ ፡  
ሸንከት ፡ ከደን ፡ ብግ ፡ ቤላ ፡ ወገለሁ ፡ እት ፡ መዳይን ፡  
ትወዛዓ፡ ወእብላ ፡ ሬድዮ ፡ ቃኛው ፡ ርሐ ፡ ተርፈት ፡ እሉ።  
ክምን ፡ ክድመትላ ፡ ሬድዮ ፡ ለትበደሀያ ፡ ሂጋ ፡ ትግሬ ፡  
ወትግርኛ ፡ ወሐቆሁ ፡ ገበል ፡ ኤርትራ ፡ ገአ ። አግዳ ፡  
አምን ፡ ኤርትራ፡ ላቱ ፡ አጸራ ፡ ዝያዳ ፡ እት፡  
ልትሐምረግ፡ ገሳ ። ወዲብ ፡ ተወላደት ፡ ሳልስ ፡ ሰነት ፡  
ሬድዮ፡ አስመራ ፡ በሀለት ፡ እት ፡ ሰነት ፡ 1970 ፡ ወቁል  
ደረጀት፡ ዐስከሪ፡ ለቡ ፡ ነፈር፡ እንደራሴ ፡ እግል ፡  
ልግባእ ፡ (martial law) ተአዋጃ ፡ ወዲብ ፡ ሰነት ፡  
1971 ፡ አስራቴ ፡ ካሳ ፡ እብ ፡ ምራድ ፡ ኖሱ ፡ ሸቅሉ ፡  
ሐድጋ ፡ ወዲብ ፡ አካኑ ፡ ጀነራል ፡ ደበቤ ፡ አደንጋባ ። ወላ፡  
ገበላይ ፡ ቃኑን ፡ ( ሲቭል፡ ሎው ) እብ፡ ናይ ፡  
ዓስከርዬት ፡ ቃኑን ፡ (military law) ቃካኦ።

ሰአል: ሂጋ : ዐረብ : ማ : እታ : ሬድዮ : እግል : 2:  
ወርሕ : ለገብእ : ክም : ትጠለቃት : ሐቆሁ : ካረመት : ሚ  
ጃራ: እታ :

በሊሰ: አወል : ሰልፍ : ሂጋ : ትግሬ : 30 : ደቂቅ :  
ወሂጋ : ትግርኛ : እትላ: ክምስልሁ: 30: ደቂቅ : እት :  
አምላል : ክልኢተን : ምን : ሰዓት : 5:00 ናይ : ምስ :  
አሰክ : ሰዓት : 6:00 ምስ : እግል : ልትጠለቃ : ቱ :  
ለዐላ : ለሽፋጥ :: እሊ : ልግባእ : ድኢኮን: እብላ :  
ኢተአመራት : ገበይ : ሂጋ : ዐረብማ : ተአንብት :  
ትበሀላ : ክምን : ሂጋ : ትግሬ : 15 : ደቂቅ : እንደ :  
ትናጫ : እግል : ሂጋ : ዐረብ : ተሀያባ :: ግራክዝማዥ:  
ልጃም : ሳብር : ሰበትቱ : እንደ : ትባደራ : እላ :  
ከአፎ: ትገብእ : ኢቤላ :: “ምን : ሕበዘት እት :  
ተንዳር (እቶን: እብ : ትግርኛ ) : ፍላም : እት እደ”  
ሐራ: ከእግል : ዶሉ: ትከበተዩ :: ወዓብደልርሕማን :  
ለልቡሎ : ሐፍ : ጀበርታይ : ሂጋ : ዐረብ : አንበታ ::  
ወሐቆ : 2 : ወርሕ : ናይ : ዐረብ : ፕሮግራም : እብ :  
ምፍራቅ : ዓርቃይ : መልጫ :: ወላ : ለምን : ሂጋ : ትግሬ:  
ንጩብ : ለዐላ : 15 : ደቂቅ : እብ : ደግማን : ዲብ :  
ትግሬ : አቅበላ :: ወእሊ : ሌጣ : እንደይ : ገብእ : ሐቆ:  
ሰነት: በሀለት : እት : ሰነት : 1970 : ትግሬ :

ወትግርኛ፡ ክል ፡ ምን ፡ ሐት ፡ ሐቴ ፡ ሰዓት ፡ ክም ፡  
ልትሀዬበን ፡ ወላሶዖታት ፡ ለዲቡ ፡ ልጣለቃ ፡ ክም ፡  
ልትቃዬር ፡ በሀለት ፡ ትግሬ ፡ ምን ፡ ሰዓት ፡ 6:00 ፡ ምስ ፡  
አስክ ፡ ሰዓት 7:00 ምስ ። ወትግርኛ፡ ምን ፡ ሰዓት ፡  
7:00 ምስ ፡ አስክ ፡ ሰዓት ፡ 8:00 ምስ ፡ ክም ፡  
ገብእ፡ ግራክዝማዥ፡ ልጃም ፡ እብ ፡ ጀዋብ ፡ ብሹር፡ ዐላ ፡  
ቀደም ፡ አቅለላዮት ፡ እት ፡ ማተ ። ወእብላ ፡ ግራክዝማዥ ፡  
ልጃም ፡ "ምን ፡ ፍላም ፡ እት ፡ እደ ፡ ሕበዘት ፡ እት ፡  
ተንዲር" ከሰባ ። ወምኑ ፡ ወኬን፡ ሐርበኛ ፡ ትግሬ ፡  
ወትግርኛ ፡ ገአ ።

ሐው ፡ ወሐዋት ፡ እግል ፡ ዮም ፡ እትሊ ፡ እንካርም ፡  
ለሳልሰ ፡ ክፈል ፡ አስክ ፡ ነቃደም ፡ እልከም ፡ ደሐን ፡  
አስምኖ ፡ እንብል ።

ገረዝግሄር ፡ በኪት ፡ ወ ፡ ማኔ ፡ በኪት ።